



Firii Malaaykotatti Amanuu

Description

Wanti itti amanantii fi hojjatan tokko gaarii yoo taâ€™e, firiin (buâ€™aan) isaas akkasuma guddaadha. Kutaa darbe keessatti waaâ€™ee malaaykotati amanuu kaasne turre. Tarii namni tokko, â€œBuâ€™aan ani malaaykotati amanuuun argadhu maali?â€ jechuun of gaafachu dandaâ€™a. Nuti iimaana Ergamaan Rabbii (SAW) namoota itti waamaa turanitti mataa keenya fi namoota kan itti waamnuuf buâ€™aa namoonni darban irraa argatan argachuufi. Buâ€™aan sunis saâ€™aadatu duniya wal aakhirah (gammachuu addunyaa fi Aakhirah) argachuudha. Kanaafu, malaaykotati amanuuun wanta gammachuu addunyaa fi Aakhiraa isaaf fidu keessa tokko. Akkuma yeroo darbe jenne malaaykotati amanuu jechuun isaan jiraachutti, hojii isaanitti, amaloota isaanitti fi gabroottan Rabbii taâ€™uutti amanuudha. Malaaykotati amanuu irraa firii argannu keessaa:

1-Guddinna, dandeetti fi angoo Rabbii beeku. Sababni isaas, guddinna uumamtoota guddinna Uumaa agarsiisa.

2-Rabbiin subhaanahu wa taâ€™aalaa yommuu malaaykota kanniin ilma namaa akka eegan, hojii isaanii galmeessanii fi hojii biroo akka hojjatan bakka buusu, ilma namaatif xiyyefannoo fi kunuunsa akka kenne agarsiisa. Kanaafu, Rabbii kana godheef galata galchuun ni barbaachisa.

Rabbiin subhaanahu wa taâ€™aalaa malaaykota ilma namaa karaa adda addaatin akka eegan bakka buuse. Isaan keessaa inni guddaan kitaabban sababa malaykaatan ilma namaatti buusun qalbiin isaanii akka toltu taasisudha. Ilmi namaa akkuma kitaaba Rabbiin irraa buâ€™e baratanii fi hojii irra oolchan qalbi fi jireenyi isaanii guutuun tolti. Rabbiin ni jedha:

يَأَيُّهَا النَّاسُ قَدْ جَاءَتُكُمْ مَوْعِظَةٌ مِّنْ رَّبِّكُمْ وَشِفَاءٌ لِّمَا فِي
الْأَصْدُورِ وَهُدًى وَرَحْمَةٌ لِّلْمُؤْمِنِينَ
07

â€œYaa ilmaan namaa,dhugumatti gorsi Gooftaa keessan irraa taatee,waan qoma keessa jiruf qoricha,muâ€™imintootaf (warroota dhugaan amananiif) qajeelfamaa fi rahmata tan taate isinitti dhufte.â€ Suuraa Yuunus 10:57

â€œAsitti â€gorsiâ€™ Qurâ€™aana kan waan gaariitti nama ajaju waan badaa irraa nama dhorgu. **Wanti qoma** keessa jiru immoo wallaalummaa, shirkii, shakkii, munaafiqummaa,fi kkf. **Qajeelfama** yoo jedhu immoo wanta haraama fi halaala addaan baase kan ibsu.â€ Muhsin Khan English translation of Noble Qurâ€™an irraa fudhatame.

Eeggumsi lammataa Rabbiin ilma namaatiif taasise, eeggumsa qaamati. Duraa duuban waan badaa irraa isa akka eegan malaaykota taasise. Wanta Rabbiin dursee murteesse ykn katabe malee wanti badaan ilma namaa tuqu hin jiru. â€œJedhi, â€œWaan Rabbiin nuuf barreesse malee homtu nu hin muudatu.â€™ (suuratu Tawbah 51). Rabbiin ni jedha:

﴿لَهُ وَمُعَقِّبَتُ مِنْ بَيْنِ يَدِيهِ وَمِنْ خَلْفِهِ يَحْفَظُونَهُ وَمِنْ أَمْرِ اللَّهِ﴾

â€œTokkoon tokkoon [namaatiif] malaaykota wal duraa duuban taâ€™anii fuuldura isaatii fi duuba isaa irraan ajaja Rabbiitiin eegantu jiru.â€ Suuratu Ar-Raâ€™d 13:11

Kana jechuun malaaykota halkanii guyyaa wal duraa duuban dhufun tokkoon tokkoon namaa ajaja Rabbiitiin wanti badaa dhokataa fi ifa taâ€™e irraa eegantu jira. Kunis kan taâ€™uu dallaa murtii Rabbii keessatti. Rabbiin wanti badaan nama san akka tuqu yoo murteesse, eenyullee waan badaa sanirraa isa hin eegu. Malaaykoni nama tokko duraa duuban kan eegan ajaja Rabbiitini.

Eeggumsi sadaffaan Rabbiin subhaanahu wa taâ€™aalaa ilma namaatiif taasise, eeggumsa hojji isaaniiti. Ilmi namaa halkanii guyyaa hojji tokko hojjachuuf ni carraaqa. Keessattu, namni hojji gaarii Fuula Rabbii fi ganda Aakhirah barbaaduf hojjatu, hojji isaa kana kan isaaf galmeessu yoo hin jiraatin abdii kutuun hojjicha dhiisa. Rabbiin rahmataa fi adlii (haqa) Isaaatiin hojiin namni kamiyyuu hojjatu akka hin banne malaykoota hojji namni hojjatu hunda galmeessan kaaâ€™e. Qurâ€™aana keessatti suurah lama keessatti kaafame jira. Rabbiin ni jedha:

﴿إِذْ يَلْقَى الْمُتَلَقِّيَانِ عَنِ الْيَمِينِ وَعَنِ الشَّمَالِ قَيْدٌ﴾

â€œMirga fi bitaa irra taaâ€™un yeroo jecha fuutonni lamaan jecha fuudhan [yaadadhu]

﴿مَا يَلْفِظُ مِنْ قَوْلٍ إِلَّا لَدَيْهِ رَقِيبٌ عَيْدٌ﴾

Namni jecha homaatu hin dubbatu isa waliin eegaa [jecha isaa galmeessuf] qophaaâ€™e yoo jiraate malee.â€ Suuratu Qaaf 50:17-18

â€œMirgaa fi bitaa irra taaâ€™un yeroo jecha fuutonni lamaan jecha fuudhanâ€kana jechuun malaykoonni lama nama kamiyyuu waliin ni taâ€™u. Tokko gara mirgaatin hojii gaarii namni hojjatu galmeessa, kan biraa immoo gara bitaatin hojii badaa namni hojjatu galmeessaf. Yeroo hundaa itti gaafatatumummaa isaanii kana bahuuf taaâ€™anii eegu. Nama kana yeroo hundaa waliin taâ€™u, isarrea adda hin bahan. Jecha dubbatuu fi hojii namni hojjatu hunda galmeessuf yeroo hundaa kan qophaaâ€™aniidha. Akkuma Rabbiin jedhe:

ذَبُونَ بِالدِّينِ ⑨ وَإِنَّ عَلَيْكُمْ لَحَفِظِينَ ⑩ كِرَامًا كَتَبْيَنَ ⑪ يَعْلَمُونَ مَا تَفْعَلُونَ ⑫

â€œDhoorgamaa! Guyya Murtii ni kijibsiiftu. Dhugumatti, isin irra eegdotatu jira. Kabajamoo barreessitoota taâ€™an. Wanta isin hojjattan hunda ni beekuâ€ Suuratu Al-Infixaar 82:9-12

Kana jechuun Guyyaan Murtii (Qiyaamaan) hin jirru jechuun mormitu ykn itti hin amantan. Isin wanta hojjataa turtaniif osoo hin qoratamin gonkumaa hin haftan. Kanaaf, Rabbiin malaykoota kabajamoo dubbii fi hojii keessan galmeessan, hojii keessan hunda beekan kaaâ€™ee jira. Hojii kana keessaa hojiin qalbii fi hojiin qaamaa ni seena. Hojii gaarii fi badaa, niyyaan kan tole fi hin tollee sirritti addaan baasanii beeku. Wanti isiniif taâ€™uu malaykoota kanniin kabajuutu isin irra jira. Kana jechuun wanta fokkuu hojjachuun isaan waliin hin oolinaa ykn hin bulinaaa. Isaan wanta isin hojjatan hunda waan galmeessaniifi.

Gabaabumatti, nama hundaafu malaaykonni lama hojii isaa eegan, ilaalanii fi galmeessan bakka buufamanii jiru. Malaaykonni kunnin yeroo hundaa nu waliin kan deemanii fi addaan hin baanedha. Garuu miira keenya irraa dhokatoodha. Ijaan isaan arguu hin dandeenyu. Akkuma shariâ€™aan Islaama mirkanesse malaaykonni lamaan nu waliin jiraachu ni amanna. Akkamitti akka barreesan, maal fayyadamanii hojii fi dubbii keenya akka galmeessanii fi galmeen isaan fayyadaman maal akka taâ€™ee beekuuf hin qorannu. Sababni isaas, kuni dhimma geeybi (miiran bira hin gahamne) waan taâ€™eef akkaataa malaykoonni kana hojjatan nuti beeku hin dandeenyu. Kanaafu, malli nama baasu waaâ€™ee malaykootaa fi hojii isaanii ilaachise odeefanno Rabbiin irraa dhufetti akkuma jiruun itti amanuudha.

Firiwwan namni kanatti amanuun argatuu:

1-Hojii gaggaarii hojjachuutti fiiguâ€“ hojii gaggaarii hunda malaaykan isaaf galmeessu akka jiru namni beeku, hojii gaggaarii hojjachuutti fiiga. Sababni isaas, Guyya Qiyaamaa hojii gaggaarii hojjate galmee isaa keessatti yommuu arguu garmalee gammaduunakkana jedha: â€œKunoo kitaaba kiyya dubbisaa. Ani qoranna (mirmaraa) kiyya qunnamuu dhugoomsen ture.â€ (suuratu Al-Haaqqah 69:19-20) Kana jechuun Guyya Qiyaamaa hojii hojjadhuuf nan qoratama jedhee dhugaan itti amanaa ture. Kanaafu, Guyya kanaaf hojii gaarii hojjachuun of qopheessaa turee jira.

2- Hojii badaa irraa dheessuâ€“ hojiin badaan inni hojjatu hundi galmee isaa keessatti osoo inni quba hin qabaatin galmaaâ€™a akka jiru namni beeku, hojii badaa irraa dheessa. Sababni isaas, Guyya Qiyaamaa hojii badaan inni hojjate hundi galmee isaa keessatti ni argata. Kanaafi, warri badii raawwatan galmee malaaykonni isaaniif barreessaa turan yommuu arganakkana jedhu, â€œYaa badii keenya! Sila kuni kitaaba akkamii! Xiqqaas taâ€™i guddaas hin dhiisne, hundaa walitti kan qabu yoo taâ€™ee

maleeâ€ (Suuratu Al-Kahf 18:49)

3- Yeroo gara ganda Aakhiratti godaanan malaaykoni nama gammachiisu- Namni hojii gaggaarii yoo hojjatee fi hojii badaa irraa yoo dheesee, malaaykota kabajaa fi isaaniin walitti hiriyyoomaa jiraa jechuudha. Sababa kanaan, yeroo duâ€™u malaaykoni haala kanaan isa gammachiisu:
â€œDhugumatti, isaan â€œGootaan keenya Allaah dhaâ€€jedhanii, ergasii achirratti gadi dhaabbatan, [yeroo isaan duâ€™an] Malaaykoni isaan irratti bubbuaâ€™uun â€œHin sodaatinaa, hin gaddinaas; Jannata waadaa isiniif galameen gammadaa. Nuti jiruu duniyaa keessatti hiriyyoota fi gargaartoota keessan turre; Aakhirattis akkasuma. Isiniif ishee (Jannata) keessa waan lubbuun teessan feetutu jira. Isiniif ishee keessa waan barbaaddantu jira. Affeerraa Rabbii Araaramaa, Rahmata godhaa taâ€™ee irraayyi.â€ [isaaniin jedhu]â€ Suuratu Fussilat 41:30-32

Kitaabban wabii:

Sharih Usuuli salaasa Fuula 92 Ibn Useymiin
al-aqiidatul Islaamiyyatu wa ususuhaa By Abdurahmaan Hasan Madiniyyi, fuula 244-245
Taysiral Kariimul Rahmaani fii tafsiiri Kalaamil Mannaaniâ€“ Abdurahmaan Naasir Saâ€™dii

Date Created

August 31, 2018

Author

admin